

محل مطبعه و اداره :

جفبال اوغلنده امنيت

صندوقى جوارنده

شنگول يقوشنده

۲۲ نومرو

مُتَقَدِّمَاتُ

۱۳۲۶

اضطار :

مسلكمزه موافق آثار

جدیده مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، و سایر ایلملر و بالخاصه احوال و شیور اسلامیه در بحث ایلمر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرلمه دن مقوا بورو ایله کوندریلیرسه سنوی

۲۰ غروش فضله آلنیر

سنه لکی	التی آیلنی	غروش
۶۵	۳۵	۶۵
۶۵	۳۰۰	۶۰
۱۷	۹	۱۷

عدد : ۱۰۹

۲ شوال پنجشنبه ۲۳ ایلول ۳۲۶

بشنجی جلد

خیوه حاکی

مرحوم سید محمد الرحیم بهادر خان

رسلر آسیای وسطی بی ضبط ایستدکاری زمان تورک خانقلرنندن
ایکینسی، بخارا ایله خیوه بی بوسوتون محو ایتمه دیلر . بونلرک ولو
صرف کولکه حالنده محافظه استقلال ایتمه لرینه مهم برسبب، انکتره نیک
هند حدودینه روسیه نیک وصولندن قوشقولانسی اولدیغی کبی دیگر
سبیلده یوق دکلدی: روسلر انکلزلرک هندستانده تعقیب ایستدکاری
حمایه اصولنی تقلید ایدرلر، یرلی اهالی به دها خوش کورنمک وعین
زمانده بخارا وخیوددن اصل روسیه به ادخال اولنه جق امتعه دن کمرک
آلارق اقتصاداً استفاده ایتمک امیدنده بولنیورلردی. ایشته بو کبی
سبیلردن طولای بخارا وخیوه خانلری رسماً استقلال لرینی محافظه
ایتدیلر؛ انجق روسیه ایمراطورینک ترکستانده معروف بر تعیر ایله
« آق پادشاهک » حمایه ودوستلغی بالقبول، روسیه حکومتیله مؤبداً
عقد اتفاق ایتمش فرضیه حقوقیه سیله مستور بر نوع حکومتیه دوچار
اولدیلر. روسیه ایله منعقداتفاقلری موجبجه بخارا وخیوه خانلری هیچ
بر دولت ایله مناسبات سیاسی ده بولنه مازلر . بوخانقلرک دیپلوماسی
اموری تماماً روسیه به براقلدشدر. خانلرک انجق امور داخلیه ده آز
چوق استقلال اداره لری واردر. لکن بو استقلال اداره ده صرف
نظری وحقوق اولوب، خانلر، تورکستان والی عمومیسنک ویاختلرنده
مقیم روس قونسولوسنک مساعده سنی استحصال ایتمکسزین انک عادی
بر حرکتیه بیله تشبندن قورقارلر .

روسیه نیک خیوه بی ضبطنده (۱۸۷۳) خیوه خانی، هنوزیکرمی
یاشلرینه واصل اولمش، محمدالرحیم بهادرخان ایدی. مومی الیه ویاختی
روس عسکری طرفدن آلمق اوزره اولدیغی کوریر کورمز، شهردن
قاچمش، صوکره روس قوماندانی جنرال قاقوفمانه التجا ایدرک، ماهیتی
یوقاریده مختصراً آکلادیغمز اتفاق معاهده نامه لرندن برینی بالامضا
روسیه نیک مساعده سیله، بتکرار خانلق تخته جالس اولمشدی . ایشته
بو ذات کچن آغستوس رومینک ۱۶ نجی کونی خیوه شهرنده وفات
ایتمشدر. الله رحمت ایلسون !

محمدالرحیم خان اولدیکی زمان ۶۹ یاشنده ایدی.

بر قاچ آی اول صاغ طرفه نزول اصابت ایستدکن، صوکره
اوخسته لقدن بر دها دوزله مدی ونهایت سکتیه قلیه دن کیتدی .
خان، روسجه بیلمزدی. اورویا احوال ومدنیتندن یخبردی.
انجق عربی وفارسی لسان وادیاتنه واقفدی، شعر ایله اشتغالی
سوهردی. کندی آثارندن متشکل بر دیوان اشعاری موجوددر.
مرحومک ای قلبلی، طرافدار حق وعدالت اولدیغی مشهوردر.
مملکتی پک اسکی زمانلردن قاله بسیط بر اصول ایله اداره ایدردی.
هرکون سراینک قیوسی اوکنه چیقوب، ایکی اوج ساعت اوطورارق
اوراجقده امور اداره وقضا ایله مشغول اولوردی. تبعه سی خانلرینه

ایله بن خول علمادن بر ذات فضائلسمات اولوب (ماردین) نائب
اسبقی فضلالی بنامدن سید عمر بن سید محمد افندینک محذوم فضیلت
موسومیدر. (۱۲۰۰) تاریخنده (ماردین) ده تولد ایدرک معلومات
ابتدایه سنی وطنی علماسندن تعلمدن صکره دیار بکر، حلب،
شام، مصر، درسه ائده تحصیلنی بعدالاکال مسقط رأسنه عودتله نشر
علوم وتالیف آثار ایله امرار حیات ایله دی . (۱۲۵۹) تاریخنده
ارتحال ایله یوب (نکیه) محله سنده واقع (ابراهیم بک) جامع شریفی
حظیره سنه دفن ایدلدی، سید صحیح النسب اولدقلری ائمه اتنی
عشردن (امام زین العابدین) حضرت لرینه منتهی اولان شجره صدقه دن
بالوجوه مستبان اولمقده در. اسملری آتی ده محرر مؤلفاتندن باشقا
دها بر خیل آثار قیمتدار تالیفنه موفق اولمشلرسه ده حین وفاتلرنده
پک کوچوک یاشنده براقدقلری مخدوملری طرفدن بالطبع محافظه
اولنه مادینی جهته مع التأسف بعضیلری ضیاعه اوغرامشدر. السنه
ثلثه ده کی اشعارندن بالخاصه اشعار عربیه سی دها رنگین در. ایوم
عائله سی طرفندن الیه ایدیه بیلن آناری بروجه آتیدر .

۱ — اسماء رجال الحدیث و تراجم احوالهم

۲ — تفسیر فاتحه شریفه، بحروف مهمله [والی بنسداد شاعر
فاضل علی رضا پاشا نامنه تحاف ایلامشدر .]

۳ — رساله الصفات فی علم الکلام [کذا]

۴ — رساله فی حل مسائل اتنی عشر [ائمه علم کلامدن ابی الحسن
الاشعری ایله ابومنصور ماتریدی بینلرنده منازع فیه مسائلک حل و
توفیقنه دائردر .]

۵ — القبراطیه الصغری فی علم الفرائض [برده آیرجه کبراسی واردر]

۶ — رساله فی عدم جواز الاعتقاد بالقرطاسیات والنسخیر وما

اشبه ذلك

۷ — رساله فی الرد علی الطاعنین فی اعجاز القرآن

۸ — کتاب فی علم البیان

۹ — حاشیه علی الحاشیه اللاری فی الحکمه

۱۰ — خلاصه المنطق

۱۱ — زوال الترح شرح منظومه ابن فرح فی اصول الحدیث

۱۲ — الشافی شرح الکافی فی علمی العروسی والقوافی

۱۳ — مختصر ما هدا التصویص علی شواهد التلخیص

۱۴ — ام العبر [عربی العبارة تاریخ عمومی در .]

۱۵ — قنوا [وظیفه اقتاده بولوندقلری زمان میدانه کلن قنوالردن

عبارت اولوب اخیراً جمع وترتینه همت اولونمشدر.]

اشبو آثارک طبعنه تشبث اولونه جتی مع الممنونیه مسموع اولدی.

جناب موفق متشبلرینی موفق بالخیر بویورسون امین

بروسه مبعوثی

محمد طاهر

بعضی کوسترمه به وقت بولدی. چاغلی توتون طبقه سی، وبرکوجوک قوطوکه بر طرفه باصیلور باصیلماز ایچندن ییشیل بر قوش چیقور، قنادلرخی چربارق اوتیور، صوکره ینه قوطونک ایچه کبروب غائب اولیور. بو نادر اثر صنعت مالک اولدیغندن دولابی خان پک ممنون کوریدیور.

یکی خان اسفندیار تورپی ده کوردم. اسفندیار توره بزم خیره سفری اثنا سنده طوغمشدی. اوکا تصادفم، ژپونیا محاربه سندن آز اولدر. باباسنه بکزر. لکن خطوط وجهیه سی ده دوز کون، ودها ایچه ضعیفجه رر. جنرال قوروپاتکین ایمبراطورک اراده سیله او حوالینک تفتیشنه کلدیکی زمان بخارا خانک اوغلی عالمجان توره و خورخانک اوغلی اسفندیار توره چارجویه جنرالک استقباله کلشردی. بوپوک و مزین برچادرده «دستر خان» حاضر. لاشدی. جنرال ایکی ولی عهدی کندی قارشینه ویان یانه اوپورتدی. پرنسیر دیز دیزه اوپوردقلری حالده، عکسی طرفله بافیورلردی: بربرلرله غوغالی ایملر. نزاعک سینی بیلمیورم. قوروپاتکین باریشمالرخی تکلیف ایتدی، پرنسیر قوجا قلاشدیلر، لکن بو مصاحبه صرف رسمی و غایت صغوقدی، و مصافحه دن صوکرده ایکی آسیا خانک ولی عهدلری یکدیگرلرینه کله واحده سویله مدیلر، «وبوندن ده، بالطبع، هم جنرال حضرتلری، هم ده بو سطرلری یازان ضابط افندی پک ممنون قالدیلر.»

عالم اسلام

مقالات

ایرانک ماضی حالنه بر نظر

ناصرالدین شاه، ایرانی یالکنز داخل دکل، خارجاده بتدی. کوندن کونه تدنی و انحطاطه اوغرایان مملکتک وارداتی ناصرالدین شاهک و اطرافنده بولن ان حشراتک اسرافات و مکیفاتنه کفایت ایده میوردی. اجانبیدن پاره بولمق طریق دوشونلیدی. اووقته قدر استقراض نه اولدیغنی بلعین ایرانده فلاکت آمیز استقراضات قاپولری آچیلدی.

بر حکومت ایچون استقراض ایتک نه سبب اتهام، نه ده موجب شین اولور. بتون حکومتلر حتی فرانسه، انگلتره، آلمانیا و آمریکا کی ا معموور و وارداتلری بش آلتی میلیارلره بانغ اولان مملکتلر بیله استقراض ایدیورلر. فقط استقراضک بر مملکت اوزرنده فلاکت تشکیل ایتمه سی ایچون بعض شرائطه مربوط اولمه سی لازم کلیور. اول استقراض ایدیلن پاره لر مملکتک اعمار و ترقیسنه بادی اولاجق امور نافعیه و یا خود حکومتک محتاج اولدیغنی امور تدافیه ملیه یه صرف ایدلمی، ثانیاً: استقراض پاره سی ایله یاییلا. حق امور نافعیه و یا تشبثات تدافیه نیک ا لزوملی و تعلیقی موجب فلاکت اوله جنی جمله جه، مسلم اولان ایشلردن اولمی، ثالثاً: ایدیله جنک استقراضک شرائطی اوله اولمیلدیر که مملکت ایچون خیر و منفعت یرینه بلا و مصیبت کسيلمه سون.

ایشته شو شرائط دائره سنده یاپلمش اولان استقراض برملت ایچون همه حال کاردر: فرض ایدیگرکه مذکور شرائط ایله پاره

دعوا و شکایتلری سویار، محمد الرحیم خازده. شفق بر بابا کی ارزاری دکتیه رک حکم ایدر و حکمنی ده در حال اجرا ایتدیوردی.

مرحوم خان، روسیه نیک قزاق اردوسنده فریق رتبه سنی حاریدی، روسیه دیکر بر دولته محاربه ایده جنک اولورسه معاهده اتفایه عوجبنجه روسیه یه ۲۰۰۰۰ عسا کر معاونه و یرمه نی متعهد ایدی.

محمد الرحیم خانک یرینه اوغ سید اسفندیار توره، چارک مساعدت سیله سیوه خانی اعلان اولندی. توره ایوم ۳۸ یاشنده در. عالم و ترقیورور سنیور. اوروپا جه تحصیل کورمه مشدر، روسجه بیلمیور. یکی سخن روسیه قزاق اردوسنده میرلوان. اوچ زوجیه سی و تیمور غازی توره آدی بش یاشلق برده اوغنی وار.

اسفندیار توره نیک خانلق زبانی. کندیسنه، تبخسنه و عموم اهل اسلامه خیرلی و مسعود اولمسی جناب حقندن دنا ایلرز.

خیره ضبطنده بولنش روس ضابطلردن بریسی مرحوم خانه متعلق خاطر اتی، نوویه و یردمیا «ده نشر ایدیور. آسیای وسطی بزرگ خانلرینک فکر و حیاتلرینی و روسلرک اولنره نظر و معامله لرینی بیندیرمه یه یارایه جغندن بعض قسملرینی عیناً ترجمه ایدیورز:

عسکریمز ایکی آی قدر خنوه و اطرافنده قونافلادی. ایشلر لکدن و حیوانک یکدنق اولیشندن پک صیقیلوردق. پوسته، هپ کیکه رک کلیوردی. اوزمان غزتلر شمیدی قدر موده، کبرمه مشدی. یک ایچمک پک بهالی ایدی. ضابطلر جان صیقینتیلرخی عیاشلق و قار باز اقله طاغیتمه به چالش یورلردی. فقط اکل تیلر مندن بریسی ده خانه مسافراکه کیتک ایدی. ایچمزدن بریسی چقار: «هایدی، کیدوب خانی زیارت ایدم، دیردی. — پک اعلا، هایدی کیدم!» بش آلتی کشی طویلا توب بر ترجمان یاقالار و کیدردک.

بر دفعه سنده قوشلق زمانه راست کلدک. آتلریمزی قپو اوکنده براقه رق، سرای مأمورلردن بریسنه، خانی کورمک ایسته دیکمزی اخبار ایتدک. بزنی درحال، خالیرله دوشنمش بر تراجه به آلدیلر. خان بکله تمدی. همیزله برر برر کوریشدی و اوپوریکز، دیدی. خان، اوزون بویلو، شیشمانلاشمه یه استعدادی، خسته کی صاری بکزی، چیرکین سیره ک صقاللی ایدی، چهره سندن ای قلبی برآدمه بکزیور و آره صره یوزنده ملنتف فقط مکدر برتیم بایریوردی. احتمال ایچندن بزه منتفردی، لکن طیشاریدن هیچ بر نی بللی ایتمک ایتدیوردی.

یکه باشلادق. آسیای وسطی عاتجه، ابتدا ییشیل چایله اوزوم و قاروون و یردیله، صوکره چوره کلی یاغلی بر قویون چوربایی، ده صوکره شیش کبابیله بلا و نهایت بر نوع رچل کتیردیله. خان ده بزمله برابر بیوردی. سفره نیک طباق طاقی پک بیاغی ایدی. حق اطرافی قیرلش فنجانلر بیله واردی. طوز، پوما، قوطوسنه طولدی برلشدی. خان ترجمان واسطه سیله، سفره نیک فناغندن اعتدار ایتدی، سرایدن روسلر هر شیشمی آلدیلر. دیدی. روسلر خیره ای آلدقندن صوکره خانک ایشی پک آزالمشدی. خان، آرتق اک سودیکی مشغله یه، علما ایله دخی و فلسفی مناظرات دورا دوره بول بول وقت بولیوردی. بوندن باشقه دیرلرکه خان تحف تحف قوللکسیون طویلا. مهی سودرمش. منلا درلو اجزا خانه شیشه لردن مرکب زنگین بر قوللکسیون وارش (!)

بن خانی اوچنچی علسکساندر رسم تنوچی آلاینه بردها کوردم. آسیای وسطی خان و خان زاده لرینک هینی بر مسافر خانه یه طولدی بر مشلردی. اون سنه ایچنده خان جوق دیکشسه مش، انجق شیشمانلاشه شدی. سیاحتندن، موسقو و ادن پک ممنوندی، بر هیجاندی، هر کون یکی برشی صانون آلیوردی. شرفنولنه نائل اولدیغ قیسه بر مدت ظرفنده بیله بکا مبابعه ایتدیکی ایشیدن